

壽



此劇全用  
曲牌名故  
以旁直標  
名明

懺詩

小旦繡襖上

北越調鬪鶻鶻風捲珠簾香歸羅袖前日呵怨恨蕭郎不憐小桃紅瘦今日呵悔憶秦娥怎被雪梅香漏意難忘擷詞久十二時中最羞見紗窗月透

減字木蘭花懷人南浦呼喚子來三囑咐錯認道和繫人心處忒情多春光好甚解語花傳字字錦誤獻衷心好羞眉嫵賽觀音奴家郭氏蘭英前因張先生設計備酒勸官人與我同房故前月得生

長承鄧  
振錄西  
請看名



一女取名寶釵。回想那年誤聽秀蓮之言，脩書約他私會。幸他婉言規誡，使奴意轉心迴，得成完璧。奴想那時呵。

紫花兒序。小庭花落。桂殿秋高。子夜歌愁。淒涼煞風送蟬聲。雁過南樓。羞羞恨。賽紅娘。做引頭一封書。就約等箇風流子弟。小夢揚州。么篇。不想到晚呵。如約。

上西樓。不赴佳期。慰好迷聲聲慢。勸孤鸞守。自有箇錦帳春投。這樣端正好處人。難又箇儂情休。

設當時遇著薄倖的人。雖得歡娛片刻。便要遺臭。

萬年了。

金蕉葉。他若是憶多嬌。翠裙腰瘦。奴也愛結同心。風

流體柔。一任他錦繡窩探春令久。銷金帳子飛樂就。

小桃紅。直待到綺羅香遍繞紅樓。一似風中柳。綠意

紅情春全透。簫譜月底脩。漫想把巫山一段雲封岫。

再候著王孫信。有楚江情厚。笑孜孜春色滿皇州。

喜如今奴與官人呵。

禿厮兒。醉花陰。雙雙勸酒。剔銀燈。玉燭新流。真箇似魚游春水。喜悠悠。風光好處留。



貼抱寶釵上武陵春去傷情怨爲耍孩兒上小樓  
見介小旦秀蓮你爲何抱了寶姑前來貼因乳母  
抱了啼哭不止是以來此小旦秀蓮我正在此感  
歎前事那年誤聽你言暗約張生將親筆書柬落  
在他手今又不好去討得如何是好

聖藥王

恨殺當時呵

西河柳簇水浮孰教明月掉孤

舟惟怕今日呵

倘秀才遶地遊重翻水調換歌頭調

笑令堪憂

阿秀蓮想起那封書柬使我日夜不安昨夜仿古

人恨賦吟得悔詩二首待我念與你聽苦戀芳春  
憶少年阮郎歸去鎖窗寒琵琶仙續相思調多麗  
安能人月圓那第二首錯尋劉袞繫裙腰百媚娘  
兒步步嬌相見歡知不是路瑤花羞殺月兒高貼  
小姐的詩甚佳真不愧掃眉才子但此事也不必  
悔恨了鬟想姑爺幸與小姐同房生了這位千金  
設使當日張相公不設計相勸小姐今日豈不同  
處女一般麼春色鬧人情實難遣了鬟因那夜輾  
轉不寐也咏春詩二首念與小姐請大才改正養



花天氣慶春宮斜對妝樓一萼紅好女兒如留客  
住兩同心喜瑞雲濃第二首那是一江風靜泛蘭  
舟蝶戀花枝憶舊游薄媚能教永遇樂玉樓春夢  
小梁州小且詩也清秀只是春心太重了秀蓮我  
終爲這封書柬心神不安貼小姐了鬟看那人行  
事斷不將此書輕露日後必定自來奉還且請寬  
心回房去罷小且你抱了寶姑先回房去我就進  
來了貼好姐姐如玉抱肚似娘兒要殢人嬌下小  
且歎介噯

麻郎兒

只爲

鴛鴦煞被花惱久

惹得

相感引流拍人

手。如今惟願

福馬郎不把暗香淨

還免得

醉娘子疎

影全漏尾聲

恨終恨

柳青娘半似章臺柳

不是他春

風孌娜

學

傳言玉女弄機杼怎生金縷曲歌傳柳枝

頭

我本要責他一番看這賤人性情叵測故此欲言  
不吐且自忍耐正是疎簾淡月掃花遊愁倚闌干  
掛玉鈎還怕鸚鵡曲中番女怨只得翠樓吟罷兩  
休休



下

評曰。發乎情。止乎禮義。合蘭英情詩。恨詩。觀之。猶是國風好色而不淫。懺悔情詩。特為秋宵一事。脫罪蘭英。歸獄秀蓮。以見後來報應之不差耳。

月上垂楊玉漏遲。

被人賺遞醉粧詞。

於中好事春雲怨。

薄倖東風第一枝。

解籤

生扮呂仙負劍上。

黃鐘引子。天仙子。紫館金臺香霧繞。一覺黃梁夢已消。可憐人世盡茫茫。無箇識。有誰曉。看咫尺仙雲飛海島。

羽客乘鸞下九畿。函關紫氣逐雲飛。遍行蓬島三千路。也管凡間是與非。自家呂岩。字洞賓。術參丹篆。棒喝紅塵。常控王喬之鶴。時跨梅福之鸞。屢次下凡。數番度世。採靈芝以相贈。並無服氣之人關。



三皇圖 二集 一  
閨苑以偕登，誰是御風之客。今吾辭玉宇以遊行，  
向姑蘇而徧歷。見那人烟稠密，商賈繁多，其間或  
有善人可度，也未可知。不免換一凡相，乘雲而下。

換衣去劍介

黃鐘過曲絳都春序。我雲頭憑眺，見多少南邦士女。

西園談笑，礮礪塵氛。全不解駒隙光陰，人易老。全不

解紅顏，只有三春好。倘有緣的遇著我，度得他回頭

肯早。享不盡蓬萊甲子，丹邱烟月，瑤池花草。

生下丑扮道士上。我做道士弗吃葷，泥鰍黃蟾團

圖吞我做道士弗愛酒，劉伶阮籍常爲友。區區非

別，橫塘橋郡王廟裏道士便是。姓符名道成，法號

如空。我想天下無不是的父母，只有爹娘教我做

道士。我已道是已道，弗是此處郡王廟。本無檀越

護法，又少客商布施，弄得郡王無益判官，無甲小

巖無手皂隸，無腳若說有人問筊也無弗靈，有人

求籤也無弗應，香火弗興我也弗信。閒話少說，肚

皮餓癢必音且到裏啣去吃粥起下武上

畫眉序出城外踏青郊曉雨空林聽雀噪看村庄寂



冥市井蕭條。我因為東主經營。特來向神前祈禱。行獨步荒烟道。仰瞻古廟非遙。

經商為主謀。獲利向神求。卑人張炳。因那年所置金銀花價已大漲。特來姑蘇打聽。眾客見吾一到。面許三倍之利。吾因有夢兆在先。不好一時定局。聞得城外橫塘橋有郡王廟。籤經靈驗。不免前去求神一決。

神仗兒前緣有兆。前緣有兆。神思縹緲。只得向神前祈禱。問箇夢中分曉。仰神明赫奕。靈光四照。廟已近。

瑞烟飄。廟已近。瑞烟飄。

來此已是阿廟祝。丑上我是箇光棍。不是毛竹。見介阿呀。原來是一位相公來。俚小道唱喏哉。阿是問筊呢。求籤介武。我要求籤。你備下香燭一副。少刻香儀總筭。丑介沒讓我點起來。請相公拜祝。丑下武念疏介石門弟子張炳。叩求靈籤事。竊自前年秋夜。獲兆邯鄲。為商荆楚。本主翁之錢鈔。販藥內之金銀。今雖物價高騰。生財不少。尚望神明指示。獲利更多。為此具疏拜祝。燒疏求籤。抽看介第



十一籤中吉好似蓬壺謫下仙杖頭指點化金錢  
但憂未脫閻浮劫快向蒲團學坐禪呀

滴溜神仗滴溜子神明的神明的尤元尤妙靈籤的

靈籤的難分難曉這般語言深奧神仗兒怎說到蓬

萊仙子蒲團佛教看不解費推敲看不解費推敲

武詳籤介生上堪歎滄桑變幻多乘雲且唱洞仙

歌仁心若把生人渡了卻凡緣免折磨廟內有人

求籤倘或有緣也未可知見介相公請了動問求

籤何用武因有金銀花屯積故來求神我看此籤

語意甚是難解煩道長代為審詳生既蒙見委待  
貧道看來

啄木兒呀詳籤語獲利饒你看指化金銀機最好這

其中事有更翻恐怕禍生陰爻此去呵利爭十分雖

然到若非蒲團學坐回頭早免不過一劫閻浮血湧

潮

相公貧道細詳此籤獲利甚大禍也不小武

前腔聽君話隔靴搔未把靈籤分歹好既能勾倍獲

資財有什麼禍生災招到那坐參蒲團早恐道長只

三集二解籤



三星圖 二集 武堂書  
將籤文一目渾如了。不究神明著意高。

生貧道不過依籤而解，休嫌愚戇。丑送茶上相公，用茶。武不必，我有香儀二兩，你且收下。丑多謝相公作福，吾要到城內得勝館，吃肉飯去哉。往外下。武請問道長何來。生貧道雲遊四海而來。武到來何事。生意欲募化善人。武背介此言甚屬無謂，我也不必細問。轉介道長請了。生請了。武胸中要訣，猶疑事莫問道。遙世外人。下生大笑介呵呵呵。張炳那曉得我是呂純陽下凡也。他此去有利於主。

有害在身，我仙班領袖與他佛門弟子有緣相會，須要暗度一番纔好。作算介屈指算來，他異日有大難臨身，不免就託郡王救護便了。向上介尊神請了。外盛蟒執笏扮郡王立椅上。大仙請了。小神不知大仙駕臨，恕失遠迎。生偶經此地，有擾尊神，適見求籤的石門張炳於戊辰年戊亥兩月，在紅樹嶺青峰崗，有殺身大難。因他在樊城曾買熊虎放生，煩尊神就差熊虎前去，將那奸夫淫婦各食其一，以彰報應。外小神遵旨，即著二處土地救護。



便了。下生他兩番大難。已有熊虎相救。待他成了。證果再與相見。是了。

尾聲。他不識仙人道法高。那知我暗裏元機妙。報主恩。遭妾冤。看你何時把緣了。

下

評曰。獲利遇害。前則夢神暗中言之。此則呂仙與郡王空中言之。非是將前定理數。寫得微乎其微。元之又元。正是一提再提。使後來數篇線索。不致散漫耳。

人生結果早安排。有事終非遇合乖。  
卻怪春心花未開。天將風伯已先差。



售貨

外短鬚扮行主同眾客上

外為客搜尋貨物真花街聽遍管絃新眾郢中歌  
 唱錢塘路道我南冠是楚人外列位客人金銀花  
 乃是尊處所出為何反臨敝地照顧小行眾行主  
 你不知這幾年荆襄大旱花本盡枯一路而來探  
 得杭城尚未售盡因此逕造貴行外敝地此貨也  
 少維陳祖功家三年前有些屯積未曾發賣眾既  
 如此我們即速前去同行介眾不向山陰求桔梗



外反從沮澤購柴胡來此已是門土有人麼雜扮  
院子上客從何來外我是城內藥行趙主人要見  
你家張先生的雜請少待請介武上深藏貨物推  
良賈卻慮多年積未消見介外張先生這幾位都  
是湖廣客人聞令東有金銀花屯積特來相懇  
羽調過曲慶時豐衆只因是荆襄赤旱花如赭花根  
枯盡未抽芽奈解毒消涼必需他只得把金銀十倍  
添聲價我們已是從七澤過三巴行行搜徧野人家  
只有尊府多屯貯經冬夏紛紛請買上林花

武緣來如此

前腔幸得我名花未向東風嫁繡幃牢鎖牡丹芽到

今日果有銀錢十倍加這紛紛利息曾非寡待我邀

同夥問主家鮮鮮共看六陵霞便好開積棧評公價

盈盈裝上五雲車

院子請周黃二位相公出來相商請介丑末上末  
指下算盤最准簿中賬目甚清丑一世寄人籬下  
十分不肯奉承見介張兄何事武因金銀花驟漲  
十倍這幾位湖廣客人來此置買故請相商末丑

三集圖 二集二售貨 鍾代堂書



有如此利息儘可出售了。武你去同客人看貨再議價值外。出處反從買處求。眾最憐蕭索故園秋。末金銀花比金銀貴。丑好與佳人戴滿頭。同下。武我想人生財運定非偶然。即據那年夢見金銀之事。至今果應其兆。

賣花聲夢有前緣。洵無舛錯。簇簇金銀分明指化。阿哟。且住。那時郡王廟求籤。有一道人爲我詳解說此貨獲利甚大。禍也不小。看今日十分收得金銀價靈籤內應却神明話。只有惹禍一語。我生平不虧心。且

由他。

院子上啟相公衆客已經看過議定價值。一總有三十餘萬。可以出賣否。武如此利息竟去叫他出賣。待我轉達姑爺便了。雜應下。武雖已蒙深委。還須問主翁。且扮院子暗上。武大爺何在。我要請他相見。且請介生上。綠窗閒看花移影。畫棟喧聞燕語春。見介。武如爺弟今日將金銀花出售。其價約有三十餘萬。生爲何這等大貴。武只爲此藥呵。三疊排歌遭歲旱。盡枯芽。驟漲當前價。任他搜過蜀



和巴。只有我多屯第一家。紛紛爭買。重重獲利。不用

自居奇貨向人誇。生我。心中僅望本無差。不意售來

十倍加。這是驛路塵。江上槎。全賴君披星戴月走天

涯。本雖少利非寡。怎教我逸居安坐享豪華。

弟本銀不過三萬。今獲如此重利。全賴吾兄之力。

必當少酬什一。以表微情。

排歌。謝你箇權算多謀。身輕跋涉。經年估客天涯。受

幾多浪添春雨萬尋沙。舟泊寒霜十月花。我今功莫

酬。勞怎嘉。只有得寸心。秋水憶蒹葭。這些銀兩沾殘

雨飛薄霞。聊當三分春色到君家。

武這注重利。全是姑爺福運。弟何敢分肥。

前腔。布算持籌。身經掌握。自應為主忘家。怎說得浪

添春雨萬尋沙。舟泊寒霜十月花。休擬酬難拜嘉。寒

林不任報蜂衙。況姑爺情非少。恩已賒。春風幾度點

紅襟。

生啊。這須些若不肯受。兄果盛德。弟實寡情了。教

我於心何安。

前腔。辛苦由君。資肥歸咱。旁人應笑多差。武無功不



三星圖 二集上  
敢自矜誇。受業終須福澤遐。合財已盈。量似沙。金銀如見。夢中花。時逢泰運。亦嘉青蚨。飛入主人家。

下

評曰。利獲十倍。見張炳有功於陳。以為贈妾。因由。即繼良之特與八萬。清心寺之欲捐十萬。亦從此起。

花出荆襄本盡枯。

東君有網入青蚨。

此番都藉經營力。

肯把劉郎儋石無。

擬酬

小且上

中呂引子。四圍春翠。柳亭前。細雨迷。可人黃鳥一聲啼。碧桃窗外暮。雲飛迎面。青山數點齊。多少歡娛意。好向錦箋題。

江南春言。欸欸體盈盈。曉窺鸞鏡影。夕奏鳳簫聲。憑誰使我相親愛。偏是蒙恩不記情。奴自官人進房以來。鼓壁上之瑟琴。無非靜好。遞枕邊之詩句。悉是溫存。正似女蘿有託。得搖曳乎春風。不致紈。



扇與歌重悲傷於秋夜矣。

金菊對芙蓉。一枕清風。半窗明月。雙雙兒形影相依。

想人間樂事。莫過和愛夫妻。爐香盡後。羅衾暖。帷鈎

响。魂夢齊飛。真箇是翠鸞作對。文鴛有偶。海燕雙棲。

生上

滿庭芳草麗瑤階。花開錦砌。晝長靜掩朱扉。想那人

見財思義。真是世間稀。他不惜江湖勞頓。我安居十

倍資肥。歡娛事與談香閣。坐看夕陽低。

見介小旦官人今日爲何庭前曳步。跚跚抹舞之

形。臉上解頤。藹藹懽愉之色。有此百般得意。生娘子。那年的金銀花。竟趁了三十餘萬。小旦爲何趁了這許多。生娘子。叻。

中呂過曲走山畫眉。只爲那漢江生處。漢江生處。遭

歲旱。盡枯糜。向他州外郡。尋徧了。都無此。這般兒事

奇。這般兒事奇。若不是張兄呵跋涉天涯。怎有子金

多。如此便宜。小旦。據官人說來。都是張先生經營所

致。理應酬勞纔是。生我方纔要酬銀三萬。他竟執意

推辭。把三萬作酬。衷情懇懇兒。不任分肥。教我重不



三星圖 一集上 五 道正堂書  
是輕又非何物纔稱意。故來向閨房擬酌。要使他斷  
難推諉。

貼送茶上可恨。風流如鄭婢房中還做捧茶人姑  
爺小姐請茶。生看貼介。貼頻般顧我。應憐我。卻是  
無情也。有情下生娘子。我看秀蓮這般長大貌也  
頗佳。小旦官人若是愛他。何弗擇箇良辰收爲侍  
妾。生娘子如此賢德。甚爲可敬。但我並無此意。不  
過要將秀蓮贈與張兄爲妾。小旦阿官人張先生  
爲人古方。贈銀尚且不受。何況贈妾。生娘子有所

未知爲人財色二字。終不能免。張兄縱不貪財。豈  
不愛色。卽如卑人前者發憤攻書。何曾有好色之  
心。自那年同房以來。指小旦介也覺與你戀戀不  
捨了。小旦只怕他爲人未必如此。生娘子。你不知  
男人好色之心。叟。

舞霓裳邂逅相逢。美麗姿。便圖私。花箋寫怨。扇題詩。

有誰知。倘得那星前月下同歡戲。便拋經棄史。有何

辭。怎能。把風流恩愛箇中持。今日呵。果贈他姣羞女

子。終教那夢裏尋芳慰相思。



小旦男子之心，既然如此，怎麼官人前者與奴已同花燭，反往書齋，生啊娘子哪。

剔銀燈 那時節 心對著明窗靜几，情不識風流趣味。

一盞燈 兒 苦尋詩書旨，一爐香 兒 薰著功名意，不覺

孤恹 任名花倚欄看春色，如同做屍。

小旦據官人說來，除卻好學，無不好色，怪不得田舍翁多收十斛麥，便要易婦了，生是喻我，故此將秀蓮贈與張兄，他斷無不受之理。

石榴花紅羅帳裏，瞥見豔妝迷，歌玉管，唱金衣，顧不

得 東風墻外子規啼，貪戀著桃李芳菲，楊柳纖微蝶

兒 雙雙舞繞榴裙底，定知他按新腔與綠綺挑琴繫

歸心，如紅綃約期。

娘子我明日厚備妝資，叫秀蓮梳粧打扮，與張兄一同回去成親便了。

尾聲合 送他 娉娉婷婷玉貌齊，定然是魚水相歡得

所依，難道把可口的饅頭拋棄。

下

評曰：贈妾酬勞，原是美舉，蘭英何預決其不受耶。



明黃石齋會試時同人給遊妓館妓不能誘私謂  
諸人曰異日爲聖爲賢成佛成仙者必是黃君諸  
公不及也。蘭英之信張炳母乃類是。

首戴金釵白玉搔。

如花美婢可酬勞。

與君不是親嘗試。

總道元稹愛薛濤。

卻贈

武上

正宮引子破陣子。古道斜陽遠樹。春烟暮靄平蕪。人  
世終因名利誤。能將不義浮雲任太虛。方爲真丈夫。  
最愛清風范柏年。家居讓水與廉泉。與人張炳熟。  
讀儒書百卷。自棄功名。精研算法九章。代人管理。  
爲姑爺遠出經營。貨屯三年。息增十倍。他優於酬。  
謝會分三萬之銀。我固於推辭。不取一毫之利。並  
非矯情。總因那年呵。



正宮過曲朱奴兒夢雖有神明可據事須問東人作  
主。他若道。杳渺無憑理屬虛。又何敢經商往楚。今日

俚頓教我受及波餘。這樣分外財終難取。

又想那年置貨歸家。至今若非昂貴亦與主人何  
益。況管事者數十人。維我獨攜重本。遠往荆襄。他  
們終道爲己而不爲主。若受銀三萬。正應他爲己  
之言了。

朱奴插芙蓉論辛苦忠應報主向誰說。江湖風雨若  
說十倍售銀罕有觀。這也是吉星兒暗中相護。他福

運於我終無我如何無功強自把功居。

我今日不受謝銀可報陳姑爺知己之情。還有前  
日不污小姐可報郭大人救濟之恩。所可恨者。惟  
有秀蓮一事。使我終身抱歉也。

玉芙蓉紗窗夜月虛。有女留春住。何不想魯男獨處。

閉戶能拒。甘做了郵亭一夜風光露。若蘭陶穀兩情。

酥細思想羞慚沒趣。這般人。怎讀那前賢古聖數行。

書洞仙歌聖賢數卷書。終是防垢污。不看那漢上彘。

間人人羞欲吐。你不把身名顧。何顏對古儒。噯可恨。



難洗風流辜。

就是那年一封書柬，我屢次要還小姐，無奈姑爺目同房以來，內外間隔，我不便親往內室，又不可著人齎去，未知何日可以交還，使小姐免得一端心事也。生上西江月，難得忠誠貿易，十分利息全收，贈銀不取色相酬，冀動春心樂就，見介武姑爺來此何事。生張兄，我卻爲你呵。

雁過沙，經商到遠途，忠誠世罕如。風霜受盡天涯苦，怎麼勞酬些小，還推阻。教我尋思，繹想無堪賂。只有

箇秋江明媚圓折珠。

弟家有一秀蓮，係岳父母選取，以伴寒荆，隨奩到舍，寒荆十分眷愛，人頗伶俐，貌亦雅秀，弟要贈你爲妾，以表寸衷。

風淘沙，一片春光覽鏡初，似穠花，豔態舒。君不見桃根桃葉，王郎渡雪兒歌，香兒舞，人多納寵。君還未娶，弟故要使秀蓮爲君。

抱衾裯，疊氈氍，把春宵暖度。諒

君心不似沾泥絮，有何言再推阻。

武弟蒙姑爺信任，若因犬馬微勞，再加賜予，教我



如何自安。況秀蓮姐乃鮮衣美食之人。到舍下。盡鹽布縷。安得稱心。

花藥欄

我那俚

三逕荒蕪。四壁蕭疎。蓬巷不停車。

這

壁廂

衣也羅襦。食也膏腴。香閣時伴歡娛。綺羅人忽

到窮鄉去。怎不教他

結愁腸。傷咏沮洳。

阿姑爺弟久

沐恩濡。感恩濡。何庸苦送。這瑤臺侍女。

〔生〕這事兄忒過慮了。武弟與寒荆同受甘苦。已屬多年。不忍納寵。以分糟糠之情。此事故難遵命。院子上張相公外面有臨平典商。相請敘話。武既有

客至弟只得失陪了。多情雅惠章臺柳。不似韓郎漫折枝。下生張兄平素圓和。爲何此事竟執拗起。來卻令我不解其意。

尾煞

我欲

報忠誠。贈姣女。

你

怎將錦繡窩。怕領風流。

趣。莫非是

河東獅子吼聲高。

因此上

一力推辭未敢

許。

下

評曰。蘭英言張炳不受妾。而所以能知之故。難於說出。張炳所以不受之故。亦自難於說出。想祖功



在當日內房賬房俱是一箇啞謎請猜。

那年秋夜鵲填河。尊婢余曾見惠過。

君若賜恩來贈妾。無如不贈受恩多。

攜妾

旦月衫上

仙呂引子。天下樂。燕子橋邊。野草花青。帘竹裏住人。  
家寒門。敢把勤勞謝。晝理蠶絲。夜績麻。

深院月環堵室。負郭田家計。今年勝去年。若得麟兒能繼起。成林喬梓喜翩翩。妾身應氏生兒繼。良正當小子學書之候。剛值十年就傅之時。首着清蔬難具先生之饌。脯脩微禮從遊學士之村。剩得寥寥數人清閒無事。不免手續絲麻以消春晝。



仙呂過曲解三醒論婦職親桑親柘相夫子宜室宜家不可托流光虛度偷閒暇圖歡笑聽喧譁須想到三餐粥飯來非易半寸絲縷物力賒敦風化只在勤勞二字思也無邪

雜扮老院子上幾分酸意生員婦接去先探醋味釀來此已是張相公門首了見介大娘老奴奉主母之命特備轎子請你前去有事相商旦陳老院公既蒙小姐相招卽時收拾與你同去換衣向內介乳母好生看守門戶內應旦上轎介幽谷聞花

移閭苑籬籬寒雀到芳林同下生上何人不愛專房寵特恐家成四畏堂與人妻將秀蓮贈與張兄他竟把妻子推託我家娘子說是懼內之故爲此接他妻子到來問箇明白小旦繡襖上世間多少癡情婦不許郎君誦洛神見坐介官人我昨日勸你去接張大娘怎麼此時還不見他到來生想必就到娘子你少刻將此事說明倘有妒意不必勸他小旦這箇自然雜上大爺張大娘到了生娘子你快去接他我不便相見形骸爲卻嫌疑隔款曲



因須婦女通下旦上矚夫羞作齊人婦要識交遊  
富貴家小旦接見介旦小姐請上受妾身一拜小  
旦妾身也有一拜旦婦子荷生成好比良苗被澤  
新小旦主賓同氣誼何殊骨月不分形丑扮使女  
送茶介旦小姐叫妾身到來有何見諭小旦請大  
娘屈駕只因我官人呵

桂枝香

道先生

翩翩儒雅忠誠無錯上承數世箕裘

只有

那單傳可怕

因此官人欲將

寒門媵女寒門媵

女為先生

奉侍梳架

誰知道他結髮情深不忍分愛

這是武陵有路隔桃花不敢強把青衣女贈來白傅家

故官人今日特請大娘到來教我說明此事未知  
尊意如何旦妾家久沐深恩今又將尊媵見賜妾  
若推辭是不識尊府的美意了但舍間蓬戶甕牖  
未免有辱尊媵

前腔把香閨嬌姪寒門下嫁這般美意難辭怎有虛

言可駕只是秀蓮姐呵如花嬌嫩慣安閑

雅看此處晴園香霧繞窗紗怎堪那古壁吟寒蛩荒



村噪晚鴉。

小旦大娘不必過謙如此大度甚是難得待我轉  
 達官人就趁此吉日送秀蓮到府何如旦憑尊  
 意小旦向外介官人快來生上聽得歡聲呼知他  
 事必諧娘子所說之事如何小旦我已說明看他  
 全無妒意官人何弗趁張先生今日不在叫秀蓮  
 梳粧打扮與他同去到了他家就是張先生不欲  
 那有退還之理生娘子所見甚是我就叫人夫好  
 同粧奩送去笑介真所謂夫人不言言必有中了

下小旦如此且叫秀蓮出來吩咐一番秀蓮那俚  
 貼上繡閣相隨春寂寂桃花幾度夢偏多見介小  
 旦秀蓮你自幼隨我情意相投我何忍捨得但自  
 古道男有室女有家今日姑爺將你許與張先生  
 為副室你此去須要克盡婦道

天香滿羅袖皂羅袍休記了蘭臺花榭把山村水閣

舉目興嗟桂枝香休記了繡幃中嬌養如花到那蓬

門上嫌勤掃灑必須要盤匝侍奉盤匝侍奉免得我

心心縈惹皂羅袍阿秀蓮啊多年伴侶今宵遠嫁相



三星圖 二集 三  
思兩地。只有殘雲斷霞。但願你弗辜我。一片衷腸話。

貼作悲介

木了。又驟向王昌遠嫁。多年恩養。一朝輕捨。要相見

呵。夢魂遼遠。隔天涯。好教人心內驚訝。老旦上。秀蓮

姐。你快去梳粧。貼。我今懶向粧臺輕抹粉。空憶東風

吹。落花低唱。又逢著。這義疎情寡。難道是前生結。下

的冤家。

老旦扯貼下。小旦大娘秀蓮去。到尊府。須要格外恩待。切不可冷眼相覷。

三囑咐。念他慣是安嬉耍。徐教他儉成家。不似那田家女子。從幼親桑柘。素安勤苦無庸話。望大娘。盡斯惠及。樛木陰遮。俛他也被后。如化。

旦小姐且請放心。

美中美。莫咨嗟。休驚訝。名門姐。雖似陪乘。作副車。我與他同操箕箒。共績桑麻。兩人兒。何分高亞。不似那風雨無情。妒好花。

老旦丑背箱上。貼紅衣。上作拜別介。同下。

尾聲。小旦。從此後。珠懷暈。玉生芽。瑞氣先縈七寶車。



三星圖 二集上  
聽來朝新聲吹出小琵琶。

下

評曰張炳卻贈安肯領秀蓮去秀蓮不歸張何由  
做出許多情節使張大娘自來攜去正是折梅逢  
驛使寄與嶺頭人這等妙算從何處得來

誰愛梅花借一枝

承蒙雅惠也難辭

奴今去自江南後

袖得香風不敢私

答妻

武乘船上

大石調引子碧玉令晴光水面渾如鑑照波心輕鷗  
點點看客橈商舟花港分東南賽湘沉蘭茝開滿香  
風颭

搗練子兔辭窟鳥離巢人駕輕帆故土遙載得一  
艘明月往推窗閒聽武林潮粵人因臨平典商與  
土豪口角相爭幾致涉訟我特去解紛仍令交易  
消覺隙於未成釋嫌疑之久蓄爲此撓擱數天今



日方得回來也

大百調過曲急板令蒙主恩重艱是擔爲人謀不忠  
是慚寧敢戲談去方月二來已春三習習和風暖拂  
青衫霎時兒輕橈孤帆已到那鷺嶺巖

〔內叫前船慢搖武〕你看那邊船上好似陳府的媽  
媽未知何故來此丑白鬚與老旦乘船上丑長安  
驛使南迴後老旦喜有梅花撲鼻香見介張相公  
恭喜武何喜之有丑昨日大爺將秀蓮姐送到府  
上等相公回去成親豈不是喜麼武爲何背地送

去丑是你家大娘來接的武怒介噯有這等事來  
梢公你將船兒推轉我今日且到家中問箇明白  
不覺眼中皆火熾耳後盡雷鳴下丑笑介呵呵呵  
你看張相公頭也弗回竟是去了一聞秀蓮姐已  
到家中他竟順水推船急急搖必定蓮花今夜破  
瓊苞老旦倒是你箇老白毛看他面上全無喜色  
並不爲此滿腔心事正牢騷漫把恒情去獻嘲丑  
我把他人魚水樂心兒想得癢難熬同下旦上  
賽觀音紅潛消綠初黯聽紫燕雙雙呢喃爲何事新



三星圖 二集上 武堂書  
人無笑臉不日郎君便回驂

昨蒙陳府將勝女送與我家待官人回來成了親事

人月圓 只怕他紫毫筆院把龍香蘸寂寂紗窗斜燈

淡還將風月重評鑑這的是讀書人生來餓口饒安  
受享象牙牀翡翠衾鳳毛毯

武怒容上愁蝶有心尋舊夢怒蜂無意採殘花進

見介旦官人爲何這等著惱武我且問你你難道  
不知婦從夫命敢擅自作主去領了這箇人來旦

阿啣官人前日陳府接我過去說你辦事忠誠情

嗣息太孤故將這箇人贈你爲妾你回說糟糠之  
妻不忍分愛可有這話的麼武這原是推託之辭

旦阿官人你不忍分愛顯得你爲義夫我不容納  
寵明是我爲如婦了義夫之事君所能爲如婦之

名妾豈堪受武我自不欲娶于你甚事旦官人這  
是小姐的愛婢厚意相贈就有不願也只得允從

況且美麗如花妝資不薄般般堪羨色色可人你  
還有什麼不稱心要如此著惱嗔我也明白了



插花三臺莫不是俏女子多情賣笑做花底暗遞黃

柑武不是旦莫不是昏主兒私懷竊玉到風前共解

青衫武也不是旦莫不是從幼兒先結襦襜音強把

錯緣分配來仇覽武更不是旦這不是那不是莫非

是朝雲已惹荆王厭曾薦雨還憂那剩點兒沾

武阿這箇這箇倒也不是旦你到底為著何事

沙塞子急武他是箇錦繡華叢祇闌紅柱豔怎曉得

貧家寂寞難堪我在東人處推辭不受怕那箇姻緣

有忝你如何領卻回來倩魂相煽教我好像夢中魘

旦據你說來不過因他居身安逸託體豪華與勤

儉二字相反的了如今情願吃苦辭甜與他姊

妹相稱你進房去倘生幾箇男兒也是我家喜事

武我不去旦我想世間娶妾的人只有大娘吃醋

那有大相公反要吃起酸酒來拽武衣介這又奇

了這又奇了

笑下

評曰只咎妻之攜秀蓮而於秀蓮之不可為妾意

總不肯言詰問之餘僅以安逸奢華支吾答對吾

通武堂書



於張炳遁辭知其所窮。

猛入家庭但咎妻。

緣由不肯口中提。

前盟若使天君理。

還是先生色自迷。

鬧鬧

貼豔粧上

商調引子憶秦娥。悶悠悠。燈殘雨過捲簾鉤。捲簾鉤。風喧鐵馬。月照銀樓。換頭棲林杜宇泣梢頭。聲聲夜半。惹人愁。惹人愁。青春有限幽恨無休。

等閒酬酢偏如物。恨殺人生婢妾輕。奴家何氏秀蓮才。懷一斗。貌有三分。若使阮咸得見。應累騎而相追。卽教郭璞同時亦投符。而欲娶所恨不擇情郎。配爲正室。乃歸迂士。屈做偏房。真是強人不欲。



之事做他什麼

二郎神緣非偶每臨粧要把菱花分割奴不是贖效

西村吳女醜又不比嫁來南阮貧似牽羊牽狗怕沒

箇鳴鳥關關咏好逑卻教我賦小星強諧婚媾沒來

由難道是薄命生來定抱寒裯

這也不在話下奴今身已到此與他成親未知在

於何日愛這樣寡情的人就成了親事終難稱心

左思右想兀的不煩悶人也

山坡羊他前事心兒太負不想奴二八青春時候芳

心一點為君剖不想奴月正秋良宵深自愁為君開

著相思實到如今未嫁的朝雲人尚留你頓忘綢繆

似野水無情只自流我倍添幽愁悔紅葉空傳別處

溝

回想那年雖是我情不自禁強他苟合但既通情

好男子漢必然留戀怎麼以後百般相挑並無見

憐之心啊張炳張炳何至忘情如是

集賢賓那時月移桐影斜轉樓正兩下綢繆我算是

蔓草詩中相邂逅賦借賦漫學風流你也如吉士相

三集二開闔



誘感我悅。同行攜手。恩情厚。道是箇天長地久。鶯啼  
序。誰知你雲翻雨覆。回了頭。把巫夢齊收。頻的  
下毒腸情斷。恩休。害得奴心。綠怨紅愁。負義客。從來罕覩。  
不如。意定。有八九。阿小姐。你也該窮究。怎把奴一顆  
明珠暗授。

〔扯武衣上〕

滴溜神仗滴溜子。秦樓上。秦樓上。仙郎休走。蟾宮裏。  
蟾宮裏。姮娥等久。早教姻緣成就。神仗兒。念恩人美  
意。不容辜負。分荷露點波鷗。分荷露點波鷗。

你且進去。不可因我之故。誤了喜事。推武入房介。  
自古大娘常吃醋。今爲甘草善調和。關門下貼兒。  
武斜坐不禮介。武。嗔你今爲我侍妾。見了家主。儼  
然安坐。這等放肆麼。

簇御林。敢是侍姣美。太風流。敢是侍才華。能唱酬。敢  
是侍那粧奩滿室。家資厚。只怕你爲侍妾。操箕箒。抱  
衾裯。沒得驕矜如舊禮。數要先周。

〔貼阿訥。你不過一箇窮漢。要在我面前擺起家主的  
的身分來了。只怕不能。我問你衣食是那裡來的。〕



武我在陳府理事自然衣食無虧貼笑介哈哈卻  
又來若不是我在此小姐跟前幫扶於你雖有郭老  
爺薦書只怕姑爺的信任不能到此地位呢

前腔 你忘卻 衣遮體做無裘 你忘卻 食充腸粥難周

你忘卻 寒冬雪裏歸來候 若非我在小姐處 道才技

誇忠厚作牽頭暗中幫佑 只怕你家主向人求

武怒介你不說幫扶倒也罷了說起幫扶二字愈  
使我怒髮衝冠那年夜靜更深前來誘我我再三  
不從被你巧言恐嚇做了歹事

字字錦雁鳴旅客愁更轉蓮花漏恨敲月下門遁入

胭脂殼半宵留 終為你舌劍唇鎗唇鎗上 造許多孽

冤罪尤羞羞一番雲雨點污了白璧青瑣 從今後西

江掬盡難洗 我身兒垢 你又將花言巧語挑動小姐

的春心寫書約我幸遇我正言規勸得能無瑕 輕聽

你巧言流輕聽你巧言似流致春心暗漏把詩箋密

約詩箋密約這都是你幫幫襯襯牽牽引引幸虧俺

端端實實鍼鍼灸灸 纔勸得千金回首

倘遇著他人到了淫香滿室之區見了玉貌花容

三集 二集 一開開



之女小姐斷斷不能清白了

啄木鸛朱門靜。畫閣幽人約。黃昏明月候。一見了花。解語。有萬種姣羞。玉生香。是一捻溫柔。早已魂飛魄。蕩身何有。那管他。霜鋒凜凜刀加脰。甘死休。牡丹花。下做鬼也風流。

那時我若污了小姐。一旦敗露。姑爺豈肯干休。我與小姐俱爲你帮扶所害了。你這種犯淫賣主之人。斷難容忍。雖蒙姑爺見贈。一時難以驅遣。總要你閉門思過。獨守空房。正是穿簾月色常窺客。蘸

水花枝漫怨人。武開門下貼。愛聽他言語。

玉包肚孽冤難就悔。今朝入他機殼。忍王魁輕負桂英。俏韓娘漫思于祐。可恨一宵恩愛兩休休。只有得斜對著銀缸淚暗流。

我當日哄誘小姐。實要帮扶這虧心的。可圖富貴。誰知他以恩作仇。反爲切齒。噯小姐喻前者原是我秀蓮誤你。如今是你誤卻秀蓮了。

尾文。明知他愛成怨。恩作仇。有限姻緣不到頭。只是空房寂寂如何守。好教我腸斷東風燕子樓。



下

評曰。若無此鬧。張炳未必竟棄秀蓮。秀蓮未必便要私奔。惟此反唇反目。鬧得汗顏無地。真似朱翁子賣薪行歌。羞死欲去了。

方將沒世與君依。

何意今朝罵又譏。

有樹難棲心未定。

夢中蝴蝶向誰飛。





